

白沙子全集

和
1084
19

十九



明和
1084
卷19

也曾收拾定山書三月天曹謝事初見說定山
長在病當時不出意何如

當時不出意何如得喪難逃真數書更憶在年
張學士西山對面說河圖

西山對面說河圖遠志誰將小草呼今古聖賢
不同調各留一影落堪興

各留一影落堪興歎息乾坤幾丈夫脫贈藤蓑
君亦愛江門春雨憶皇都

江門春雨憶皇都個個先生六十餘必有嘉言



白雲子全集 卷六 五三
告 當宁他年應得史臣書

題空夫卷爲余行人作

三十年來學鍊空凡身猶在有無中到門有客
求題句不是空夫果是公

題吳憲副累葉傳芳卷

壺山八面照莆陽吳氏傳來奕葉芳莫向通衢
高綽楔只談世業教諸郎

答張梧州書中議李世卿人物莊定山出
處熊御史薦剡所及

德行文章要兩全乾坤回首二千年自從孟子
七篇後直到于今有幾賢

多病爲人未足羞遍身無病是吾憂眼中誰是
醫和手恨殺刀圭藥未投

右李世卿

欲歸不歸何遲遲不是孤臣托病時此是定山
最高處江門漁父却能知

右莊定山

買舟南岳去尋醫七十今年病不支傾蓋獨憐

熊御史肺肝今徹野人知

右熊御史

鄧督府欲得慈元記上石答之

西涯許撰慈元記大手文章不要多拙作豈堪
傳勝事如今此石未須磨

東山規矩趙生成頃者一緘傳到京有廟未應
無祀典老夫重敢告先生

偶得示諸生

平地工夫到九層不如那個主人能他鄉消息

無尋處去問嵩山戴笠僧

江雲欲變三秋色江雨初交十日秋涼夜一簑
槎艇去滿身明月大江流

寄李世卿

衡岳千尋雲萬尋丹青難寫夢中心人間鐵笛
無吹處又向秋風寄此音

永順彭宣慰世忠堂

宣慰之堂名世忠靈溪水與滄溟通如今百丈
高銅柱又見兒孫起故封

次韻送林大叅之任廣西

病裏逢春實怕春對花著語未驚人今朝縱有
狂詩送不是當年翰墨臣
東西嶺表非無事經濟術中怕有心何處老仙
來救世刀圭倒盡藥囊深
碧玉高樓架紫雲世間應笑此樓深忽聞夜半
鵬風起九萬扶搖好在今
夫子當時見逝川一聲浩歎不知年東溟更比
川流濶不共東溟一派傳

和答姚主事

問我平生遺我詩清風明月想襟期此心若道
元無事似我江門看水時

雖乏向用之才忝有晦藏之地引步朱陵
寄懷青玉李拾遺徵之不至上疏何爲張
乖崖林火事嚴徒勞分爭因而有作

海北多年一釣船大翼遨空魚躍川盡言天下
知音少白雪不知何處絃

題健齋費子克殿元號

化機浩浩不曾停剛見羣龍面目成誰道名齋
無此意江門月上看潮生

讀罷有感

坐掩殘書慨古今白頭契分向誰深頂門欲試
回生手爭得名家一寸鍼

海北汪廷舉新作懷沙亭修古書院冷香
橋於海上遣使歸圖弁求慕竹樓記值予
在病復以是詩

海邊西望海雲遮何處懷沙不見沙壁上畫圖

君試看冷香今日落誰家

忽然土木見經綸嶺海于今一使君忙殺多年
簿書手可能談笑起斯文

獨憐不見竹坡翁慕竹樓高月已空欲點山茅
照西所一瓢無計引春風

次韻送海北使阮刊

春日溪邊送阮郎桃花半落溪水香相逢休問
來時路大舶不知何處洋

次韻李子長寒菊

四尺霜莖一寸葩幽香何只暗浮丫借令歲晚
無人見不做人間九日花
水北一叢含數葩梅梢寒月過籬丫茅茨可儗
從人愛不賣廬山半畝花

羅服周呈所作丁知縣祠詩因憶舊臘寄
示菊花諸詩比今爲又長一格賞之以詩
醉舞黃花落鬢毛當時詩語太矜豪春風再詠
甘棠下又長黃花一格高

鄧秋波六十一偶失一賀小詩索笑

六十光陰一鳥過一瓢還許醉秋波只今那有
茗溪叟日日尊前聞放歌

寄吳別駕獻臣

一官萬里向西行雪錦樓高別駕登若問野人
何處所朱陵洞裏白雲層

羅江許薄偶然逢又得成都一信通惟有大厓
李居士洞庭何處醉春風

贈烏文瑞

回首長汀路幾多琴書又打鐵橋過趨庭若問

東南事會聽江門一放歌

某昔過淮見平江總戎禮遇甚至都閩王
侯厥配陳氏於平江總戎戚也一日過予
白沙相與道舊平江今爲天下兵馬元帥
相去萬里無由幸會雖隱顯殊途然於公
之舊德未嘗一日忘也因事賦詩托侯爲
達之詩曰
不見平江十七秋春風秋月夢何悠病中忽見
東床面却憶淮南是舊游

和答王僉憲樂用

春在城中不見春城中春不是長春湛生羞作
春風面故向人間更避人
靜處春生動處春一家春化萬家春公今料理
春來處便是乾坤造化人
春王正月衆家春聖柳尋花我自春先生欲學
程明道莫厭尋花傍柳人
一物春知物物春一年春亦萬年春總在乾坤
形氣內敢誣當世謂無人

寒江獨釣

我道非空亦非小萬事舍旃終未了朔風吹雪
滿江天我只弄我桐江釣

杜甫遊春

碧柳黃鸝三月盡江湖風雨萬篇詩花前濁酒
不得醉驢背春風空自吹

秋江晚渡

扁舟何處渡長津水濶烟生不見身莫向西巖
欵高樾天涯時有暮歸人

莊子觀泉

珊珊瀉下天花爛仰首白龍高十萬丹青已會
識者心誰道漆園非具眼

答石阡太守郝致和

六年飽讀石阡書習氣于今想破除雪月風花
還屬我不曾閑過邵堯夫

程節婦詩鍾氏狂客之女

風俗當年壞一絲直到于今腐爛時欲論千古
綱常事除是渠家節婦知

白雲子集 卷六
贈按治侍御王公哲
明朝驄馬又何之眼見東巡西怨時短歌忽被
風吹去都落人間作口碑

偶得

白雪陽春誰會彈莫愁天下賞音難江門夜半
看明月想到朱陵青玉壇
朱陵我居青玉壇五岳雖雄無此山鍾期老仙
還未還高山流水我須彈

次韻送陳秉常之荆門州任

不辭遠道赴荆門不避兒童笑裨官閑望白雲
飛絲水腳頭落處洞門寬
紫蓋垂陰宿霧收下臨雲夢此何州黃鶴飛來
一回顧不盡荆門天際頭
得手未償燈火債設心豈異賢良科世間膏火
煎熬外無奈箕山處士何

題山泉爲林節推

高厓石丈到滄溟咫尺寒泉萬里清若道眼中
惟見水老狂何意向詩傾

白沙先生集 卷六 李
吳瑞卿送菊用東坡韻答之

江山搖落見霜葩
枕畔香風到細丫
不是先生愛孤寂
人間回首已無花

題畫雲窩

若個丹青可此翁
雲窩自有主人封
扁舟一去無踪跡
黃鶴樓前望五峯

送人

寒水江門可半篙
漁翁江上理魚舸
狂歌欲送夫君別
却顧樽中無濁醪

次韻張廷實見寄

兩脚著地此何關
白雲與爾同去還
正當海濶天高處
不離區區跬步間
歲月人間古又今
斯文興廢遞相尋
崔嵬百丈皆平地
西上一筇何處深

黃別駕報世卿將來白沙

君去廬山幾度春
君來不來桃花新
花日喜逢黃別駕
共對廬山說故人

送陳仲治用舊韻

萬言策進 大廷對三百人爭甲榜名醉放漁
歌此相送白頭閑動少年情
北斗非將列宿論乾坤五岳太山尊俯仰四時
觀物態兩餘何處步高原

久病吟

梅花未發先扁牖落盡梅花未整巾明日廬山
春又至仰眠樓上歲華新

卜室大雲山

雲屋久住大雲山我亦雲中借半間未愁此地

雲封淺擬帶朱陵一洞還

縣送春至

四角圭田酒入唇長官送我意何勤莫言自有
長春在也共人間一歲春

謝伯倚得孫送薑酒至

七十一年雲水中半江老隱舊知儂一杯引滿
爲君喜伯倚今朝又作翁

漫筆

一叢春雨江門釣萬里長風海上吹南岳歸來

無一事小廬峯頂臥觀時

喜聞劉亞卿得請還東山

平生畏就人間飯向晚還同此鶴棲今夜開懷
看邸報東山歸臥祝融西

觀時

山雲將雨過桃溪晚脫萬紅何處溪年光也逐
溪流轉已送啼鶯過隔溪

寄陳仲冶金臺

萬里傳聲仲冶裘上林春好任郎遊而翁八十

二春秋浩笑江邊碧玉樓

憶世卿

楚鄉迢迢廬山春君來不來花又新引筇踏爛
廬山月折得梅花懶寄人

題湛民澤家廟

忽然突兀見新堂遠抱飛雲萬丈光主翁合是
比閭長此地還成禮義卿

張廷舉送薑酒至

七十謬爲人所尊直從西埭到東墩一杯引滿

爲君喜廷舉今年始抱孫

別廷實張主事

萬丈祝融何處山三年碧玉夢相關多少畫工
傳不去都沒賢今畫幅寬

寄題五峯爲葉本厚父作

清世誰堪住五峯石床三尺白雲封祝融三畝
終留我略與先生脚板同
扶溪作飯江門喫五峯文人予未識何當坐我
五峯前共對梅花說周易

贈張不已

不已心期不已知明年八月戰秋闈摩天氣吐
三千丈蟾闕高扳第一枝

感事呈宋督學先生

祿位升天元有命情懷化俗却無醫道不易行
休怨已仁非可讓更由誰

寄廷實主事

稀蒼鼎內還丹意枳殼墟邊待酒心明朝許約
西遊步一寸稀蒼地萬尋

和答林方伯待用春日見寄

對花把酒春無幾寡欲安心老合知病過冬春
還引望中天月色幾盈虧
舊雨春歸鶯不知雨情鶯老落花時月露滴開
鶯眼膜乾坤不了一盈虧

答陳靜軒過訪

公是登堂拜母人往來不倦拜丘墳通家無論
鄉間舊八十頭顱事事真

丁長官祠示里人

古人冷淡今人笑

此黃山谷詠徐孺子祠詩也

此義足起人

聞聽莫遣藤蘿終得意頃令簫鼓不聞聲

寄李白州都憲

東南遺愛望重臨萬里滇南恨正深引領東山
歸去路騎牛跨鳳許相尋

諱日有感

十二月逢哉生魄江山爲爾生愁色黃昏庭樹
烏上啼一聲何處江樓笛

送梁宗烈赴春試

夢入天門看春榜榜中不記狀元名世間此夢
真何夢說到梁生似有情

君持素履向朱門五色雲中見 至尊且莫輕
言天下事須將風俗究根源

枕上

仲尼不作周公夢天下共嗟吾道衰總爲乾坤
元氣薄聖人誠處衆人知

與張東白

入忙揀火張忠定正遠飛章李拾遺何故山人

都不作山人貪睡起常遲

答陳中貴見訪

積歲江門幾度過不將錦繡薄藤蓑雪坭鴻爪
地年夢記得漁翁此放歌

題慈元廟呈徐嶺南絃

前有東山後有徐慈元風教萬年垂嶺南他日
傳遺事消得江門幾句詩

江門釣瀨與湛民澤收管

小坐江門不記年蒲裯當膝幾回穿如今老去

還分付不賣區區救筭錢

皇王帝伯都歸盡雪月風花未了吟莫道金針
不傳與江門風月釣臺深

江門漁父與誰年慙愧公來坐榻穿問我江門

垂釣處囊裏會無料理錢達磨西來傳衣為信
江門釣臺亦病夫之

衣鉢也茲以付民澤將來
有無窮之託珍重珍重

與湛民澤

六經盡在虛無裏萬里都歸感應中若向此邊
叅得透始知吾學是中齋

江門釣臺

何處江邊著釣臺楚雲滇月盡收回若比桐江
還勝槩千年埋沒一朝開

再用韻與湛民澤

日斜劉九放船回層起江門水底臺浩浩碧波
山鎖斷潮打屋門兩扇開

民澤祖樵林居士構堂於上游庄民澤乞
題

入雲堂構昔人開蘭桂香風次第來黃雲山高

白雲子全集 卷六 七
幾千丈後山前日寄聲回

次韻張廷實讀伊洛淵源錄

往古來今幾聖賢都從心上契心傳孟子聰明
還孟子如今且莫信人言

曉枕

聖賢都從一上來時止時行道與偕若使春陵
爲孟子光風霽月更襟懷

漫筆

浩笑江門點舊詩詩中幾度見承箕他日攜書

南岳住却話山樓浩笑時

贈楊中順德楊明府之子

山下柴扉不浪開楊生端爲老夫來欲報封君
無一事只將社句贈生回

哭景暘

詰杙爲楹四十秋纔醒一夢便長休名登鼎甲
死亦枉老撫諸孤病只愁

影翳山樓痰吐夜寒生老屋病交秋渡中短紙
誰封附遠大爲詞解我憂

廷實有疏

聞東山先生得請歸賦此

青玉之壇橫素琴絕無人地五峯深碧雲鎖斷
元無路東山東山何處尋

問馬默齋病於其姪孫馬大年

荔顆紅時酒正多口瘡不飲奈公何
郎君解記春牛否還爲而翁一放歌

林倬貢士入京告行于白沙贈之

乖崖揀火出人間造次來分太華山
收拾如今到山處明朝不見藕如船

枕上謾筆

正翁眼時元活活到敷散處自乾乾
誰會五行真動靜萬古周流本自然

答容彥文見訪

裹糧縛鴨問廬山久病勞君每厚顏
若問廬山近來事重陽過後菊花殘

次韻東所見寄

若水清風當頴出山人莫道不前知
拍手泣門春信早黃鸝飛上綠楊枝

答文定上人

千金帖子忽飛馳
洗手開緘只汗頤
前代昌黎今我是
恍然海上記留衣
神交今在識荆前
再結前生未了緣
果蒙道力相扶起
蚤脫東林對長官

鍾太守美宣輓

詩人自古例多貧
恨殺滇南金帶新
公與定山貧到老
已有陳黃一輩人
天下功名無我關
只緣我自愛江山
若對江山

元沒興紙錢灰冷未知閑

夢遊衡山遇南極數老人
來過却須先生作主與諸老
斟酌洪崖壽崖在旁歌詩以侑觴
合坐皆喜予以詩一首識興云

衡岳去天能幾何
一株松下月明多
南極老仙騎鹿過
一瓢斟月兩崖歌

題任明府思親樓卷用定山韻

人間何處不樓居
亦有如椽大筆書
定山丈人都不管
一拳不屑老何如

碧玉樓晝夢扶病出遊村徑甚適忽安福
羅進士攜彭秀才來訪遂書以贈之

春早春寒著莫人黃鸝轉處暖初勻
狂心剛被風吹動走遍南垞到北津

泉石爲順德張氏題

江山幾處堪還我泉石邊頭合有人
高着一雙無極眼閑看宇宙萬回春

羅浮春寄民澤

海上花開萬玉林閑門碧玉夢相尋
不知開處

花多少折盡羅浮半夜心

九肋蹒跚清楚濶九苞真與黃雲深
復有鳳凰山上月遍照羅浮玉洞春

陳海蓬諸子冠畢來見贈以詩

兄弟參差作雁行春風碧玉喜同登
近午天風吹雁去翩翩吹入紫雲層

周方伯至白沙

天上客來尋故人江門月下足音聞
便傳一點江門信逢著桃源且問津

偶得

一碧光橫南岳前
靈壇秋玉青相連
道士來攜三尺木
高山流水一聲絃

答送茄瓜

兩頭肥綠壓肩斜
五月江園始送瓜
童子近前與翁語
小籃瓜底是新茄
同將形色委人間
竊比高松一鶴閑
口腹累人都未免
茄瓜籃裡又詩還

白沙子全集卷之六

終

